



ZENICA Pripadnici **SIPA-e** izveli akciju kodnog naziva "Koverta Droga u kovertamama iz Holandije stizala brzom poštom u BiH

Privedene dvije osobe koje su putem "Dark weba" naručivale amfetamine • U pretresima na tri lokacije zaplijenjeni amfetamin, spid, ekstazi, digitalna vaga i mobiteli

Pripadnici **Državne** **agencije za istrage i zaštitu (SIPA)** jučer su u Zenici izveli akciju kodnog naziva "Koverta", prilikom čega su pala dvojica dilera.

Imali podršku

Kako su saopćili iz **SIPA-e**, uhapšeni, koji se sumnjiče da su počinili krivično djelo neovlaštena proizvodnja i stavljanje u promet opojnih droga, duži vremenski period putem "Dark weba" iz Holandije naručivali su pošiljke amfetamina. Droga je skrivana u koverte i redovnom poštom dostavljana u BiH.

Tokom akcije pretreseni su objekti na tri lokacije u Zenici. Tom prilikom oduzeti su amfetamin, spid, ekstazi, digitalna vaga, mobiteli i drugi predmeti koji mogu poslužiti kao dokazi u daljnjem postupku.

Akcija je realizirana prema naredbama Suda i Tužilaštva BiH, a pripadnicima **SIPA-e** podršku su davale i kolege iz Ministarstva unutrašnjih poslova Zeničko-dobojskog kantona.

- Uhapšeni su privedeni u **SIPA-u** radi kriminalističke obrade, nakon



Pripadnicima **SIPA-e** podršku davale kolege iz **MUP-a ZDK**

čega će, uz izvještaj o počinjenom krivičnom djelu, biti predati nadležnom

tužilaštvu na daljnje postupanje - kazala je za naš list Kristina Jozić, portparol **SIPA-e**.

Jozić je dodala da nisu u mogućnosti dati više informacija u javnost da ne bi ugrozili istragu, a isto nam je rečeno u Tužilaštvu BiH.



JOZIC: Osumnjičeni privedeni u **SIPA-u**

Unosan posao

Mrežu "Dark web" isprva su koristile firme i aktivisti za legalne poslove. Međutim, svoju priliku za unosan posao preko interneta prepoznali su i kriminalci koji,

Identitet uhapšenih nije bio poznat do zaključenja ovog izdanja našeg lista.

Kriju identitet

"Dark web" je termin koji se odnosi na specifičnu kolekciju internet-stranica koje postoje na enkriptovanoj mreži i ne mogu se pronaći

skrivajući identitet, proizvode prodaju ili kupuju preko crnih tržišta na "Dark webu". Obično je riječ o drogi, ali nerijetko se prodaje ili kupuje oružje.

korištenjem tradicionalnih internet-pretraživača. Skoro svi sajtovi na "Dark webu" kriju svoj identitet koristeći alat za enkripciju. Drugim riječima, sajtove na "Dark webu" može posjetiti bilo ko, ali je izrazito teško otkriti ko stoji iza tih sajtova.

D. PAŠALIĆ